



Usia bukan ukuran

Senthil berjaya bawa pulang emas walau kurang pengalaman

Nay Pyi Taw

Pengalamannya baru setahun jagung di pentas antarabangsa namun ia bukan halangan buat atlet karate S Senthil Kumaran (**gambar**) untuk menyumbang pingat emas buat kontinjen negara pada temasya Sukan SEA kali ini.

Anak muda berusia 21 tahun dari Dengkil, Selangor itu meraih pingat emas sulungnya pada temasya dwi tahunan itu dengan menundukkan juara bertahan Sukan SEA dari Indonesia Donny Dharmawan pada pertembungan akhir kumite lelaki bawah 60kg semalam.

Keputusan perlawanan menyaksikan kedua-dua peserta gagal meraih sebarang mata selepas empat minit pertarungan namun juri memihak kepada peserta negara kerana kurang mendapat penalti berbanding lawan.

"Saya terlalu gembira. Kemenangan ini buat semua, keluarga, jurulatih, persatuan dan rakyat Malaysia.

"Saya pernah bertemunya sebelum ini pada Sukan Perpaduan Islam di Palembang tapi saya kalah dalam acara individu dan seri dalam acara berpasukan.

"Saya memang yakin menang kali ini kerana sudah mendapat banyak pujian daripada jurulatih selepas mengkaji corak persembahannya.

Sudah tentu saya berasa bangga kerana dia juara bertahan acara ini di Sukan SEA," kata Senthil.



Skuad

karat turut menambah satu pingat emas pada sesi pagi di Stadium Tertutup Wunna Theikdi semalam menerusi S Shree



Sharmini dalam acara kumite wanita bawah 68kg.

Atlet dari Kulim, Kedah itu turut terikat 2-2 dengan peserta Vietnam, Pham Thi Tien pada pertarungan akhir sebelum juri memutuskan kemenangan kepadanya.

"Saya terlalu gembira. Kemenangan ini buat semua, keluarga, jurulatih, persatuan dan rakyat Malaysia.

Saya memang mengimpikan saat-saat seperti ini,"

kata penuntut tahun pertama jurusan Komunikasi Massa di Universiti Putra Malaysia (UPM) berusia 22 tahun itu.

Sukan SEA kali ini bukan yang pertama buatnya namun penampilan sulungnya di Jakarta dua tahun lalu hanya dalam aca-

SENTHIL (atas) bawa pulang emas acara kumite bawah 60kg.

ra berpasukan.

Selain itu, skuad negara turut meraih pingat perak menerusi R Sharmandran dalam acara kumite lelaki bawah 67kg dan gangsa diperoleh Shaharudin Jamaldin dalam acara kumite lelaki bawah 75kg. Shaharudin gagal mempertahankan emas dimenanginya di Jakarta dua tahun lalu.